



অবিলম্বে প্রকাশের উদ্দেশ্যে: 5/3/2023

গভর্নর ক্যাথি হোকল

গভর্নর হোকল 2024 অর্থবছরের ঐতিহাসিক বিনিয়োগ ও আগ্নেয়াস্ত্র সংশ্লিষ্ট সহিংসতা কমানো, ফৌজদারি বিচার ব্যবস্থার উন্নতি এবং একটি নিরাপদ নিউ ইয়র্ক স্টেট গড়ার উদ্যোগ ঘোষণা করেছেন

আগ্নেয়াস্ত্র সংশ্লিষ্ট সহিংসতা মোকাবেলা, পুনরায় অপরাধে লিপ্ত হওয়ার প্রবণতা কমিয়ে আনা এবং ফৌজদারি বিচার ব্যবস্থাকে মহামারীর প্রভাব কাটিয়ে উঠতে সাহায্য করার জন্য 772 মিলিয়ন মার্কিন ডলার বরাদ্দ করা হয়েছে

গুরুতর অপরাধের ক্ষেত্রে জামিন নির্ধারণ করার জন্য বিচারকদের দৃঢ় বিচক্ষণতা নিশ্চিত করে

প্রমাণ-ভিত্তিক আগ্নেয়াস্ত্র সংশ্লিষ্ট সহিংসতার উদ্যোগের জন্য 347 মিলিয়ন মার্কিন ডলার

প্রসিকিউটর এবং ডিফেন্ডারদের উদ্ঘাটন সংশোধনের বাস্তবায়নকে সহায়তা করার জন্য 170 মিলিয়ন মার্কিন ডলার

গভর্নর ক্যাথি হোকল আজ 2024 অর্থবছরের বাজেটের জননিরাপত্তার উল্লেখযোগ্য অংশগুলো ঘোষণা করেছেন। বাজেটটি গুরুত্বপূর্ণ অপরাধের জামিন নির্ধারণের ব্যাপারে বিচারকদের আরো বেশি স্বাধীনতা প্রদান করা, প্রসিকিউটর এবং ডিফেন্ডারদের উদ্ঘাটন সংশোধনের বাস্তবায়নকে সহায়তা করার জন্য 170 মিলিয়ন মার্কিন ডলার সরবরাহ করা এবং প্রমাণ-ভিত্তিক আগ্নেয়াস্ত্র সংশ্লিষ্ট সহিংসতা প্রতিরোধ উদ্যোগের জন্য 347 মিলিয়ন মার্কিন ডলার বিনিয়োগ করার মাধ্যমে জননিরাপত্তা বৃদ্ধি করে। অতিরিক্ত উল্লেখযোগ্য অংশগুলোর মধ্যে রয়েছে পুনরায় অপরাধে লিপ্ত হওয়ার প্রবণতা কমিয়ে আনা, নিউ ইয়র্ক স্টেটে মারাত্মক ফেন্টানাইলের প্রবাহকে মোকাবেলা করা এবং স্টেট ব্যাপী জরুরি সেবাদানকারী পরিষেবাগুলোকে উন্নত করতে রূপান্তরমূলক ক্ষেত্রগুলোতে বিনিয়োগ। আজকের ঘোষণায় গভর্নর হোকল নিউ ইয়র্ক সিটির মেয়র এরিক অ্যাডামস, ডিস্ট্রিক্ট অ্যাটর্নি এবং জননিরাপত্তা ও ফৌজদারি বিচার ব্যবস্থার অন্যান্য নেত্রীবৃন্দের সাথে যোগ দিয়েছিলেন।

"জননিরাপত্তা আমার সর্বোচ্চ অগ্রাধিকার এবং আমি গর্বিত যে এই বাজেট নিউ ইয়র্কবাসীদের নিরাপদ রাখতে বিচার ব্যবস্থায় রেকর্ড পরিমাণ বিনিয়োগ এবং যথাযথ উন্নতি নিশ্চিত করেছে," গভর্নর হোকল বলেন। "বিচারকদের যথাযথ বিচক্ষণতা নিশ্চিত করে আগ্নেয়াস্ত্র সংশ্লিষ্ট

সহিংসতা মোকাবেলায় প্রমাণিত কৌশলগুলোতে বিনিয়োগ করে এবং ফৌজদারি বিচার ব্যবস্থার সংস্কারকে শক্তিশালী করার মাধ্যমে আমরা স্টেট জুড়ে প্রতিটি কমিউনিটির নিরাপত্তা উন্নত করার জন্য আমাদের সমাধান প্রক্রিয়ার প্রতিটি সরঞ্জাম ব্যবহার করছি।"

## আগ্নেয়াস্ত্র সংক্রান্ত সহিংসতা কমিয়ে আনা

2024 অর্থবছরের বাজেটে **347 মিলিয়ন মার্কিন ডলার** বিনিয়োগ করা হয়েছে - 2023 অর্থবছরের বাজেট থেকে **120 মিলিয়ন মার্কিন ডলার বেশি** যা এই প্রজন্মের - প্রমাণ-ভিত্তিক আগ্নেয়াস্ত্র সংশ্লিষ্ট সহিংসতা প্রতিরোধ উদ্যোগের জননিরাপত্তা তহবিলের ক্ষেত্রে সবচেয়ে বড় বিনিয়োগ। এই রূপান্তরমূলক বিনিয়োগের মধ্যে কয়েকটি হলো:

- তরুণদের কর্মসংস্থান সংক্রান্ত কর্মসূচিগুলোর জন্য **84.1 মিলিয়ন ডলার**, যার মধ্যে **37 মিলিয়ন ডলার** হচ্ছে আগ্নেয়াস্ত্র সংক্রান্ত সহিংসতা দূরীকরণের উদ্যোগের (Gun Involved Violence Elimination, GIVE) আওতাধীন কর্মসূচিগুলোর জন্য।
- আগ্নেয়াস্ত্র সংশ্লিষ্ট সহিংসতার ঘটনার পর কমিউনিটিগুলোর সাড়া দান প্রচেষ্টার জন্য **70 মিলিয়ন মার্কিন ডলার** যার মধ্যে **50 মিলিয়ন মার্কিন ডলার** হচ্ছে কমিউনিটির মূলধনী চাহিদাগুলোর জন্য।
- আগ্নেয়াস্ত্র সংশ্লিষ্ট সহিংসতা দূরীকরণ (Gun Involved Violence Elimination, GIVE) উদ্যোগের জন্য **36.4 মিলিয়ন মার্কিন ডলার** - যা নিউ ইয়র্ক স্টেটের ইতিহাসের সবচেয়ে বৃহৎতম
- অপরাধ কমানো, তরুণদের জন্য ন্যায়বিচার, এবং গ্যাং প্রতিরোধ করার কর্মসূচিগুলোর জন্য **31.1 মিলিয়ন ডলার**।
- স্টেট পুলিশের কমিউনিটি স্ট্যাবিলাইজেশন ইউনিটগুলোর (Community Stabilization Units, CSU) জন্য **25.9 মিলিয়ন মার্কিন ডলার** যা এই ইউনিটগুলোর সংখ্যা 16টি থেকে 25টিতে উন্নীত করবে।
- SNUG স্ট্রিট আউটরিচ (SNUG Street Outreach) কর্মসূচির জন্য **25 মিলিয়ন ডলার**।
- স্টেট-সমর্থিত ক্রাইম অ্যানালাইসিস সেন্টার নেটওয়ার্কের জন্য **18 মিলিয়ন মার্কিন ডলার** যাতে অন্তর্ভুক্ত নিউ ইয়র্ক সিটিতে একটি নতুন সেন্টার নির্মাণ সহ স্টেট ব্যাপী সেন্টারের সংখ্যা 11-এ নিয়ে যাওয়া। এই তহবিলের মধ্যে, 2 মিলিয়ন মার্কিন ডলার অপরাধ এবং ফেন্টানাইলের প্রবাহ বন্ধ করার বিষয়ে কাজ করা ডেটা বিশ্লেষকদের ক্ষেত্রেও ব্যবহার করা হবে।
- এক্সট্রিম রিস্ক প্রোটেকশন অর্ডার (Extreme Risk Protection Orders, ERPO) প্রয়োগ ও তদন্তে সহায়তা করার জন্য আইন প্রয়োগকারীর জন্য **10 মিলিয়ন মার্কিন ডলার**।
- GIVE এখতিয়ারে প্যারোলে মুক্তিপ্রাপ্ত ব্যক্তিদের মধ্যে আগ্নেয়াস্ত্র সংশ্লিষ্ট সহিংসতার প্রতি স্টেটের প্রতিক্রিয়া সম্প্রসারিত করতে সুপারভিশন এগেইনস্ট ভায়োলেন্ট এনগেজমেন্ট (Supervision Against Violent Engagement, SAVE) প্রোগ্রাম প্রতিষ্ঠার জন্য অতিরিক্ত অর্থায়নে **7.4 মিলিয়ন মার্কিন ডলার**।

## নিউ ইয়র্কের জামিন আইনের উন্নতি করা

2024 অর্থবছরের বাজেট বিচারকদের গুরুতর অপরাধের জন্য জামিন নির্ধারণের ক্ষেত্রে অধিকতর বিচক্ষণতা নিশ্চিত করে এবং অপরাধ ব্যতিরেকে সকল ক্ষেত্রে যথোপযুক্ত নন-মনিটরিং প্রি-ট্রায়াল শর্তাবলি নির্বাচন করার ক্ষেত্রে বিচক্ষণতার মাধ্যমে নিউ ইয়র্কের জামিন আইনকে উন্নত করে। চুক্তিটি এমন ধারাকে অপসারণ করে যা বিচারকদের আদালতে আসামীর পুনরায় আসা নিশ্চিত করার জন্য প্রয়োজনীয় "সর্বনিম্ন সীমাবদ্ধ উপায়" এর উপর ভিত্তি করে বিচার-পূর্ব সিদ্ধান্ত গ্রহণের ক্ষেত্রে নেওয়ার প্রয়োজন ছিল। এই ধারাটি বাদ দেওয়া হলে বিচারকদের বিচার-পূর্ব সিদ্ধান্ত গ্রহণের সময় সমস্ত প্রাসঙ্গিক বিষয়গুলোকে যথাযথভাবে বিবেচনা করার সুযোগ দেওয়ার জন্য বিচক্ষণতার সুযোগটি পুনঃনিশ্চিত করা হবে, যার মধ্যে অন্তর্ভুক্ত আছে একজন আসামীর অপরাধমূলক ইতিহাস আছে কি না বা আদালত কর্তৃক আরোপিত পূর্বের শর্তাবলি মেনে চলার ইতিহাস রয়েছে কি না। এই সংশোধিত ধারাটি পুনরায় অপরাধে জড়িয়ে পড়া অপরাধীদের জন্য আরো কঠোর সুরক্ষিত আদেশ আরোপ করার ক্ষেত্রে বিচারকদের যে বিচক্ষণতা রয়েছে তা আরো সম্প্রসারিত করে। পুরানো আদেশ প্রত্যাহার করার সময়, বিচারকদের, প্রথমবারের মতো, এমন একটি আদেশ আরোপ করার নির্দেশ দেওয়া হয় যা শুধুমাত্র আদালতে পুনরায় আসাটা নয় বরং আদালতের দেওয়া শর্তাবলির সাথে সম্মত সেটিও নিশ্চিত করে। এই পরিবর্তনগুলো বিচারকদের সহিংস অপরাধীদের আমাদের স্বাভাবিক কর্মকাণ্ড থেকে দূরে রাখতে সাহায্য করবে যখন জামিন সংস্কারের মৌলিক ভিত্তি -- নিম্ন-স্তরের অপরাধের ক্ষেত্রে অভিযুক্ত আসামীদের জন্য শাস্তিমূলক আচরণ অপসারণ নিশ্চিত করবে -- যা আমাদের আইনে রয়ে গেছে।

## ফৌজদারি বিচার ব্যবস্থার কার্যকারিতা ও দক্ষতা উন্নয়ন করা

2024 অর্থবছরের বাজেটে ফৌজদারি বিচার ব্যবস্থার কার্যকারিতা ও দক্ষতা উন্নয়ন করার জন্য প্রয়োজনীয় অর্থায়ন অন্তর্ভুক্ত করা হয়েছে:

- প্রসিকিউটর এবং ডিফেন্ডারদের উদ্ঘাটন সংশোধনের বাস্তবায়নকে সমর্থন করার জন্য **170 মিলিয়ন মার্কিন ডলার** যার মধ্যে থাকবে নিউ ইয়র্ক সিটির উদ্ঘাটন প্রযুক্তির উন্নয়নের জন্য **50 মিলিয়ন মার্কিন ডলারের** মূলধন।
- স্টেট জুড়ে প্রসিকিউশন ও ডিফেন্স তহবিলের জন্য **100 মিলিয়ন মার্কিন ডলারের** সাহায্য।
- নিম্ন আয়ের নিউ ইয়র্কবাসীদের প্রতিনিধিত্ব করার জন্য নিযুক্ত আইনজীবীদের প্রদত্ত হারের সাথে সম্পর্কিত কাউন্টি ব্যয়ের ভারসাম্য নিশ্চিত করতে **92 মিলিয়ন মার্কিন ডলার**। বাজেট স্টেট ব্যাপী প্রতি ঘণ্টায় 158 মার্কিন ডলার বরাদ্দকৃত কাউন্সেল রেট বাড়িয়েছে।
- কারারুদ্ধকরণ কর্মসূচির বিকল্পসমূহের জন্য **31.4 মিলিয়ন ডলার**।
- বিচারপূর্ব পরিষেবাগুলোর জন্য **20 মিলিয়ন মার্কিন ডলার**।
- কারাগারে সাজা ভোগ করার পর ব্যক্তিদের তাদের কমিউনিটির সাথে পুনরায় বসবাস করতে সাহায্য করার জন্য পুনঃবসবাসমূলক পরিষেবার জন্য **11.5 মিলিয়ন মার্কিন ডলার**।

## স্টেট ব্যাপী জরুরি সেবাদানকারী পরিষেবার উন্নতি করা

2024 অর্থবছরের বাজেট স্টেট ব্যাপী জরুরি সেবাদানকারী পরিষেবার উন্নতি করার জন্য নিম্নোক্ত বিনিয়োগ ও ব্যবস্থাগুলোকে অন্তর্ভুক্ত করে:

- স্টেট ইমার্জেন্সি অপারেশন সেন্টার (State Emergency Operations Center)-কে আধুনিকায়নের জন্য **105 মিলিয়ন মার্কিন ডলার** যা স্টেটের কেন্দ্রীয় অবস্থান হিসেবে কাজ করে যেখানে জরুরি প্রস্তুতি ও সেবাদান কার্যক্রম সমস্ত বড় আকারের জরুরি অবস্থার জন্য সমন্বিত হয়।
- নির্মাণ, সংস্কার বা ফ্যাসিলিটি এবং সরঞ্জাম ক্রয়ের জন্য স্বেচ্ছাসেবক দমকল বিভাগকে মূলধন সহায়তা প্রদানের জন্য **25 মিলিয়ন মার্কিন ডলার**।
- কাউন্টিগুলোকে একটি ফাইবারোপটিক ক্যাবল নেটওয়ার্কের মাধ্যমে নেক্সট জেনারেশন 911-এ রূপান্তরিত সহায়তা করতে **20 মিলিয়ন মার্কিন ডলার** যা প্রতিটি কাউন্টিতে একটি একক পাবলিক সার্ভিস আন্সারিং পয়েন্টের সাথে সংযুক্ত হবে।
- মৌলিক প্রশিক্ষণ সম্পন্নকারী স্বেচ্ছাসেবক অগ্নিনির্বাপকদের স্টেটীয় অর্থায়নে উপবৃত্তি প্রদানের জন্য **10 মিলিয়ন মার্কিন ডলার**।

### জননিরাপত্তা রক্ষা করা

এছাড়াও 2024 অর্থবছরের বাজেটে অন্তর্ভুক্ত:

- স্টেট পুলিশের জন্য একটি নতুন স্যাটেলাইট ক্রাইম ল্যাবরেটরি ক্রয় ও সংস্কার করতে **100 মিলিয়ন মার্কিন ডলার**। এই নতুন ফ্যাসিলিটিটি ফরেনসিক ইনভেস্টিগেশন সেন্টারে অতিরিক্ত ভিডু দূর করার পাশাপাশি আগ্নেয়াস্ত্র-বিরোধী সহিংসতার উদ্যোগের জন্য একটি নির্দিষ্ট ঠিকানা নিশ্চিত করবে। অ্যালবানি এলাকায় বর্তমানে স্টেট পুলিশের তিনটি স্যাটেলাইট ক্রাইম ল্যাবরেটরি রয়েছে।
- স্টেট পুলিশ অ্যাকাডেমি বিষয়ক ক্লাসের সংখ্যা বাড়ানোর জন্য **66.7 মিলিয়ন মার্কিন ডলার** যা কোভিড-19 মহামারী চলাকালীন স্থগিত করা অ্যাকাডেমি ক্লাসগুলো নিশ্চিত করার পাশাপাশি গুরুতর অপরাধ মোকাবেলায় নিবেদিত সৈন্যদের সংখ্যা বাড়ায়।
- ডিজিটাল ফরেনসিক পরিষেবা এবং সাইবার অপরাধ তদন্ত সহ ফৌজদারি তদন্তে প্রযুক্তির সাথে তাল মিলিয়ে চলার জন্য স্টেট পুলিশকে **7.4 মিলিয়ন মার্কিন ডলার** প্রদান যা শিশুদের বিরুদ্ধে অপরাধের পরিপূর্ণ তদন্ত নিশ্চিত করতে ইন্টারনেট ক্রাইমস এগেইনস্ট চিলড্রেন (Internet Crimes Against Children, ICAC) ইউনিটকে গুরুত্বপূর্ণ সহায়তা প্রদান করে।
- আমাদের কমিউনিটির মধ্যকার ক্ষতিকর ফেন্টানাইলের সরবরাহ মাধ্যমগুলো বন্ধ এবং অতিরিক্ত মাত্রায় মৃত্যুর ক্ষেত্রে বিচার করার জন্য ইউনিট তৈরি করা একটি অ্যান্টি-ফেন্টানাইল ইনোভেশন গ্র্যান্ট প্রতিষ্ঠার জন্য **7 মিলিয়ন মার্কিন ডলার**।
- পারিবারিক সহিংসতার শিকার ও ভুক্তভোগীদের আর্থিক সহায়তা প্রদানের জন্য **5 মিলিয়ন মার্কিন ডলার**।

গভর্নর হোকল গোস্ট গান, বড় ক্যাপাসিটির ম্যাগাজিন এবং বডি আর্মার নিষিদ্ধ করা; আগ্নেয়াস্ত্র সংশ্লিষ্ট সহিংসতার জন্য জামিনের উপযুক্ততা সম্প্রসারণ করা; সেমি-অটোম্যাটিক অস্ত্র ক্রয় করার বয়সসীমা 21 বছরে উন্নীত করা এবং দেশের মধ্যে প্রথম [আগ্নেয়াস্ত্র বিষয়ক আন্তঃস্টেট টাস্ক ফোর্স \(Interstate Task Force on Illegal Guns\)](#) চালু করা, যেটি মার্চের মাঝামাঝি সময়ে আবার বৈঠকে অংশ নিয়েছে এবং অন্যান্য উদ্যোগের মাধ্যমে নিউ ইয়র্ক স্টেটের আগ্নেয়াস্ত্র সংশ্লিষ্ট সহিংসতা প্রতিরোধ বিষয়ক আইনসমূহ ও জননিরাপত্তা সুরক্ষা শক্তিশালী করার জন্য দায়িত্ব গ্রহণ করার পর থেকে পদক্ষেপ গ্রহণ করে আসছেন।

**নিউ ইয়র্ক সিটির মেয়র এরিক অ্যাডামস বলেন,** "এটি সম্পর্কে কোনো বিভ্রান্ত হবেন না, এই বাজেট নিউ ইয়র্কবাসীকে নিরাপদ রাখতে ভালো কাজ করবে। এই গুরুত্বপূর্ণ পদক্ষেপগুলো গ্রহণ করার জন্য আমি গভর্নর হোকল, মেজরিটি লিডার স্টুয়ার্ট-কাজিন এবং স্পিকার হেস্টিসের প্রশংসা করি যাতে বিচারকগণ তাদের ক্ষমতা ব্যবহার করে পুনরায় অপরাধে লিপ্ত হওয়ার প্রবণতা কমিয়ে আনতে সাহায্য করতে পারে এবং পাবলিক ডিফেন্ডার ও ডিস্ট্রিক্ট অ্যাটর্নীদের জন্য তহবিল বাড়ানোর জন্যও ধন্যবাদ জানাই যাতে ন্যায়বিচার নিশ্চিত করা যায়। এই বাজেট উদীয়মান বৈধ গাঁজা সংশ্লিষ্ট বাজারের বর্ধিত প্রায়োগিক চাহিদাও মোকাবেলা করে। আমরা বলটি স্পাইক করছি না বরং আমরা জানি আমরা গোল লাইনের দিকে এগিয়ে যাচ্ছি এবং আমরা এই বছরের বাজেটে যে সাফল্য দেখেছি তার উপর ভিত্তি করে আগামী গড়ে তোলার অপেক্ষায় থাকব।"

**ব্রঙ্কস ডিস্ট্রিক্টের অ্যাটর্নি ডার্সেল ডি. ক্লার্ক বলেন,** "গভর্নর হোকলের বাজেট আমাদের উদ্ঘাটনের বাধ্যবাধকতা নিশ্চিত অত্যন্ত প্রয়োজনীয় তহবিল সরবরাহ করবে বলে আমি বেশ উচ্ছ্বসিত। সমস্ত স্টেকহোল্ডারদের তথ্য শেয়ার করতে হবে এবং এই অর্থায়নগুলো শেয়ারিং প্রক্রিয়াকে নির্বিঘ্ন করতে প্রযুক্তি অনুযায়ী পরিচালিত হবে। আমাদের অতিরিক্ত কাজ করা প্রসিকিউটরদের বোঝা কমাতে আমরা অতিরিক্ত কর্মী নিয়োগ করবো। অপরাধ প্রতিরোধে যুব কর্মসংস্থান কর্মসূচির জন্য অর্থায়ন অতীব গুরুত্বপূর্ণ বলে আমি বিশ্বাস করি। যারা জননিরাপত্তাকে হুমকির মুখে ফেলে তাদের কমিউনিটির বাইরে রাখতে জামিন দেওয়ার ক্ষেত্রে বিচারকদের আরো বিচক্ষণতা সহায়তা করবে। আমি সব ফ্রন্টে ফৌজদারি বিচার ব্যবস্থার উন্নতির জন্য কাজ করা চালিয়ে যাব। জননিরাপত্তায় প্রত্যেকেরই সুযোগ রয়েছে: ভুক্তভোগীদের জন্য ন্যায়বিচার এবং আসামীদের জন্য ন্যায্যতা।"

**ব্রুকলিন ডিস্ট্রিক্টের অ্যাটর্নি এরিক গঞ্জালেজ বলেন,** "এই বাজেট জননিরাপত্তায় অভূতপূর্ব বিনিয়োগ নিশ্চিত করে যা আমাদের নিউ ইয়র্ক জুড়ে সহিংসতার বিরুদ্ধে লড়াই চালিয়ে যেতে সাহায্য করবে। আমি আইনসভা এবং গভর্নর হোকলকে প্রয়োজনীয় সহিংসতা প্রতিরোধ কর্মসূচিতে অর্থায়নের প্রতিশ্রুতি এবং উদ্ঘাটনের সম্মতিতে সহায়তা করার জন্য যথার্থভাবে প্রয়োজনীয় রিসোর্স সরবরাহ করার জন্য তাদের সাধুবাদ জানাই।"

**ম্যানহাটন ডিস্ট্রিক্টের অ্যাটর্নি অ্যালভিন এল. ব্র্যাগ বলেন,** "আমরা গভর্নর হোকল, মেজরিটি লিডার স্টুয়ার্ট-কাজিন এবং স্পিকার হেস্টিসকে অফিসে অতিরিক্ত অর্থ বরাদ্দ করার জন্য ধন্যবাদ জানাই যা প্রযুক্তির আধুনিকায়ন এবং অতিরিক্ত নিয়োগের মাধ্যমে আমাদের উদ্ঘাটন সংশ্লিষ্ট সমস্যাবলি মোকাবেলায় সহায়তা করবে। উপরন্তু, আগ্নেয়াস্ত্র সংশ্লিষ্ট সহিংসতা

প্রতিরোধের উদ্যোগ এবং মানসিক স্বাস্থ্য পরিচর্যায় গুরুত্বপূর্ণ বিনিয়োগগুলো জননিরাপত্তা মোকাবেলা এবং উন্নত করার জন্য গভর্নরের সামগ্রিক দৃষ্টিভঙ্গি নিশ্চিত করে। নিউ ইয়র্ক সিটি আমেরিকার সবচেয়ে নিরাপদ বড় সিটি হিসেবে রয়ে গেছে তা নিশ্চিত করার জন্য আমরা আমাদের ফলপ্রসূ আলোচনা চালিয়ে যাওয়ার জন্য উন্মুখ হয়ে আছি।"

**কুইন্স ডিস্ট্রিক্টের অ্যাটর্নি মেলিন্ডা কাটজ বলেন,** "যেহেতু প্রসিকিউটরগণ উদ্বাটন সংশ্লিষ্ট আইন মেনে চলার চ্যালেঞ্জের সাথে লড়াই করে তাই মূলধনের উন্নতি এবং কর্মীদের উভয়ের জন্যই অর্থায়ন অত্যন্ত গুরুত্বপূর্ণ। আইন থেকে 'সর্বনিম্ন সীমাবদ্ধ উপায়' ভাষাটি বাদ দেওয়া এবং বিচারকদের অনার্থিক শর্ত আরোপ করার জন্য আরো বিচক্ষণতা প্রদান করাও একটি স্বাগতপূর্ণ সংশোধনী।"

**অ্যালকোহল, টোব্যাকো, আগ্নেয়াস্ত্র এবং বিস্ফোরক ব্যুরো, নিউ ইয়র্কের দায়িত্বে থাকা স্পেশাল এজেন্ট জন ডেভিটো বলেন,** "গভর্নর হোকল এখানে নিউ ইয়র্ক স্টেটের পাশাপাশি উত্তর-পূর্ব জুড়ে আমাদের প্রতিবেশীদের সাথে সহিংস আগ্নেয়াস্ত্র সংশ্লিষ্ট অপরাধ এবং আগ্নেয়াস্ত্র পাচার মোকাবেলা করার জন্য যে কার্যকর পদক্ষেপ গ্রহণ করেছেন তার জন্য ATF NYFD দৃঢ়ভাবে কৃতজ্ঞ। ATF ক্রাইম গান ইন্টেলিজেন্স কৌশলকে এগিয়ে নিতে গভর্নরের নেতৃত্ব এবং সমর্থন অপরিহার্য হয়ে পড়েছে যা প্রযুক্তি, অংশীদারিত্ব এবং সবচেয়ে গুরুত্বপূর্ণভাবে আগ্নেয়াস্ত্র সংশ্লিষ্ট অপরাধকে আরো কমিয়ে আনতে 'হোল অব গভর্নমেন্ট (whole of government)' পদ্ধতির উপর নির্ভর করে। আমরা HIDTA এবং DCJS উভয় নেতৃত্বদানকারী দলগুলোকেও কৃতজ্ঞ জানাই যারা অপরাধমূলক আগ্নেয়াস্ত্রের যোগান বন্ধ করতে, ট্রিগার-দাবানোদের থামাতে এবং এই মহান স্টেট জুড়ে জননিরাপত্তার উন্নতির প্রচেষ্টাকে টিকিয়ে রাখতে গভর্নর হোকলের কর্ম-পরিকল্পনা বাস্তবায়নে অক্লান্ত পরিশ্রম করেছেন।"

**নিউ ইয়র্ক এবং নিউ জার্সির হাই ইনটেনসিটি ড্রাগ ট্রাফিকিং এরিয়াস প্রোগ্রামের ডিরেক্টর চৌল্লি পার্কার বলেন,** "নিউ ইয়র্ক স্টেট ক্রাইম অ্যানালাইসিস সেন্টার নেটওয়ার্ক হলো একটি জাতীয় মডেল আইন প্রয়োগকারী তথ্য শেয়ারিং ভিত্তিক অংশীদারিত্ব। নিউ ইয়র্ক/নিউ ইয়র্ক HIDTA প্রোগ্রামের অনেক বছর ধরে CAC নেটওয়ার্কের সাথে খুব দৃঢ় অংশীদারিত্ব রয়েছে। এখন, গভর্নর হোকলের নেতৃত্ব এবং দৃষ্টিভঙ্গির জন্য তাকে ধন্যবাদ, আমাদের অংশীদারিত্ব আরো শক্তিশালী হয়েছে। নিউ ইয়র্ক সিটি ক্রাইম অ্যানালাইসিস সেন্টার — 11তম CAC — নিউ ইয়র্ক স্টেট জুড়ে — এবং এর বাইরেও আইন প্রয়োগকারী অংশীদারদের সাথে স্টেটের CAC নেটওয়ার্ক জুড়ে তথ্য শেয়ার করে নেওয়ার জন্য একটি গুরুত্বপূর্ণ মাধ্যম হিসেবে কাজ করবে।"

###

আরো সংবাদ এখানে পাওয়া যাবে: [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবস্কাইব করুন](#)